

Ekonomija

Drvena industrija je potencijal Tuzlanskog kantona **IMAJU VIŠE PRERAĐIVAČA NEGO DOSTUPNE ŠUME**



VLADA TK: Utvrditi realne količine sirovine

Jedan od najvećih problema drvne industrije u Tuzlanskom kantonu jeste to što su prerađivački kapaciteti znatno veći od količina koje JP Šume TK mogu isporučiti, ocijenjeno je na sastanku premijera Tuzlanskog kantona Bege Gubića i v.d. direktorice JP Šume TK Nermine Mahmutović sa predstavnicima Kantonalne privredne komore i vodećih drvoprerađivačkih kompanija s područja tog kantona.

Spomenuto je da se odnos kreće i do 1:4, tako da su prerađivači primorani jedan dio sirovine dobiti iz drugih izvora. Kako bi se situacija eventualno dodatno popravila dogovoreno je da se u narednom periodu utvrde količine koje realno mogu biti isporučene drvoprerađivačima.

Jedini bh. avioprijevoznik otišao u stečaj



BH AIRLINES: Neminovna otpuštanja radnika

Ima li nade za BH Airlines?

Dugovanja firme iznose 42,7 miliona KM, a najveći povjerilac je HETA koja potražuje 25,4 miliona KM

Javno preduzeće BH Airlines, opterećeno ogromnim dugovima i nemogućnošću izmiranja obaveza, prema odluci Općinskog suda u Sarajevu odlazi u stečaj, a za stečajnog upravnika imenovan je Abid Šarić. Ročište za ispitivanje prijave potraživanja zakazano je za 8. decembar 2016. godine. Rješenjem su pozvani povjerioci da u roku od 30 dana od dana objavljivanja oglasa o otvaranju stečajnog postupka u Službenim novinama FBiH prijave svoja potraživanja ovom sudu.

Utvrditi obaveze

Skupština povjerilaca bit će održana također 8. decembra, na kojoj će se, nakon izvještaja stečajnog upravnika, odlučiti o daljem toku stečajnog postupka.

Stečajni upravnik BH Airlinesa Abid Šarić izjavio je za Faktor da dugovanja firme

iznose oko 42,7 miliona KM, od čega su kratkoročne obaveze oko 37 miliona KM.

Firma ima malo aktive i vrlo je malo toga što će formirati stečajnu masu. Imaju jedan avion, koji je u vlasništvu HETA-e, tako teško da ima ikakvih izgleda za oporavkom firme. Vlada Federacije BiH je 100-postotni vlasnik BH Airlinesa i jedino ona, može izmiriti obaveze i okončati stečaj kako bi firma nastavila poslovati - ocijenio je Šarić.

Prema njegovim riječima, prvi korak će biti precizno utvrđivanje ukupnih obaveza

- Moramo utvrditi obaveze i njihovu kategoriju. Treba utvrditi ko su razdužni, a ko izvršni povjerioci, koliko iznose potraživanja radnika, a koliko su potraživanja općeg isplatiojnog reda. Treba utvrditi i iznos ukupne stečajne mase i što je najvažnije zaustaviti daljnje

povećanje dugova - objašnjava naš sagovornik.

Šarić je kazao da će neminovno doći do raskidanja radnog odnosa s usposlenicima.

Radnicima od 2012. godine nisu uplaćivani doprinosi i oni će se naći u nezgodnoj situaciji - dodaje stečajni upravnik.

Najveći povjerioci

Najveći povjerilac je društvo HETA koje potražuje 25.409.857 KM iz ugovora o finansijskom lizingu za dva aviona ATR-72.

Međunarodni aerodrom Sarajevo potražuje 6.429.884 KM, KM, potraživanja stranih dobavljača su 4.257.826, zaposlenici po osnovu plaća potražuju 2.700.000 KM, potraživanja JP Pošta BiH iznose 1.397.091 KM, rezerviranja po osnovu tužbi iznose 1.816.580 KM, a ostala potraživanja su 751.062 KM. K. SILAĐIĆ

UNIS UDRUŽENA METALNA INDUSTRIJA d.d. SARAJEVO NADZORNI ODBOR

Broj: 30-1660-2-11/16
Sarajevo, 30.09.2016.

Na osnovu člana 229 i 230. Zakona o privrednim društvima („Sl. Novine FBiH“ br. 81/15), Nadzorni odbor UNIS - UDRUŽENA METALNA INDUSTRIJA d.d. Sarajevo, je na šestoj sjednici donio je Odluku o sazivanju Skupštine Društva na osnovu čega se objavljuje sljedeće:

OBAVJEŠTENJE

o sazivanju Skupštine

UNIS - UDRUŽENA METALNA INDUSTRIJA d.d. Sarajevo

1. Mjesto i vrijeme održavanja Skupštine

Skupština UNIS - UDRUŽENA METALNA INDUSTRIJA d.d. Sarajevo održat će se 25.10.2016. godine (utorak) sa početkom u 10 h. Skupština će se održati u sjedištu Društva - Sarajevo, ulica Envera Šehovića br. 54 (sala za sastanke).

2. Dnevni red Skupštine Društva utvrđen je kako slijedi

DNEVNI RED

1. Izbor Predsjednika Skupštine;
2. Izbor dva ovjervivača zapisnika;
3. Donošenje Odluke o reorganizaciji (PRIPAJANJU) "IKT" Društva sa ograničenom odgovornošću za inženjering, konsalting i trgovinu Sarajevu Društvu UNIS - UDRUŽENA METALNA INDUSTRIJA d.d. Sarajevo sa Planom reorganizacije PRIPAJANJA "IKT" Društva sa ograničenom odgovornošću za inženjering, konsalting i trgovinu Sarajevu Društvu UNIS - UDRUŽENA METALNA INDUSTRIJA d.d. Sarajevo i Statutom Ishodnog Društva UNIS d.d. Sarajevo.

3. Učesće u radu Skupštine

Pravo učesća na Skupštini imaju dioničari koji su se nalazili na listi dioničara Društva kod Registra vjerodostojnih papira u Federaciji BiH 30 dana prije datuma održavanja Skupštine ili posljednjeg radnog dana koji prethodi tom roku ako on pada u neradni dan.

Dioničari mogu učestvovati na Skupštini lično ili putem punomoćnika. Punomoćnik za učesće u radu i odlučivanju Skupštine Društva daje se nakon objavljivanja obavještenja o sazivanju Skupštine u obliku svjere pisane izjave potpisane od strane dioničara i punomoćnika. Dioničari ili njihovi punomoćnici mogu učestvovati na Skupštini ukoliko svoje učesće prijave Odboru za glasanje najkasnije na tri dana prije dana određenog za održavanje Skupštine. Uz prijavu se obavezno prilaže punomoć (ukoliko je ona dana) u zakonom predviđenoj formi, te fotokopija isprave za identifikaciju podnosioca prijave. Obrazac prijave, ukoliko im je potreban, dioničari mogu dobiti u sjedištu Društva.

4. Prijedlozi za izmjene i dopune

Dioničar ili grupa dioničara sa najmanje 5% od ukupnog broja dionica sa pravom glasa imaju pravo predložiti izmjene ili dopune dnevnog reda i predloženih odluka za Skupštinu. Prijedlog za izmjene i dopune se podnosi u pisanoj formi najkasnije u roku od osam dana od dana objavljivanja ovog obavještenja.

Prijave i prijedlozi se obavezno dostavljaju lično ili preporučenom poštom na adresu: UNIS - Udruga metalna industrija d.d. Sarajevo, ulica Envera Šehovića br. 54.

5. Radna tijela skupštine

Rezultate glasanja utvrđuje odbor za glasanje. Nadzorni odbor imenovao je Odbor za glasanje u sastavu:
1. Aida Kovač,
2. Edita Gluhacević,
3. Adnan Šećerović

Za zapisničara je imenovao Sekretara Društva Neirju Ramić.

U radu Skupštine, odnosno potvrde akata, će pored navedenih radnih tijela učestvovati i notar.

6. Uvid u materijale i ostale upute

Dioničar lično ili putem svog punomoćnika ima pravo uvida u sve materijale koji su predmet razmatranja i odlučivanja na Skupštini kao i na upute vezane za glasanje o značajnim promjenama u društvu a koje propisuje Zakon o privrednim društvima.

Uvid u materijale za Skupštinu može se izvršiti po zahtjevu dioničara u prostorijama Društva svakim radnim danom od 12 do 16 sati, počev od narednog dana od dana objavljivanja ovog obavještenja.

SEKRETAR DRUŠTVA
Neirja Ramić

Investicija Rudnika soli Tuzla Rekonstruirani slanovod povećava proizvodnju

Rekonstruirani dio slanovoda Rudnika soli Tuzla u dužini od 2.400 metara pušten je u promet u petak, 30. septembra, u ovom gradu. Riječ je o projektu koji će spomenutom rudniku pored veće sigurnosti prilikom transporta slanice donijeti i dodatno povećanje kapaciteta.

Ranije smo imali cijevovod od betonsko-azbestnih cijevi koje su pucale, natosile nam štetu i nesigurnost transporta slanice. Iz tih razloga uradili smo rekonstrukciju, a projekat je realiziran iz vlastitih izvora u iznosu od 220.000 maraka. Moram naglasiti i to da smo prošlog četvrtka



RUDNIK SOLI TUZLA: Uložili 220.000 KM u slanovod

pustili u proizvodnju dvije bušotine, što je blizu 80 posto godišnjih potreba rudnika - kazao je vršilac dužnosti direktora Rudnika soli Tuzla Anis Šalidić.